

CLASS DALATHORYON – BEGINNERS CLASS
ASTELL WYDN – WHITEBOARD

De Lun an whêtegves mis Mê
Monday the sixteenth of May

Tas Tôny yw trigys in Pow Densher. Tôny êth dhe Plymoth rag vysytia y das. Ev a wrug viajya wâr an train. Y das a vetyas ganso i'n gorsaf. Y a wrug mos dhe davern in cres an dre. Ena y a wrug còwsel adro dhe oll aga nowodhow. Ha debry prës ly. Hag eva nebes gwedrednow a goref. Tôny a wrug mencyon dh'y das a'y gowethes Crysten. Y das a wovydnas mars yw perthynas sad.

“Ny worama, Tas,” a wrug Tôny gortheby. “An perthynas nyns yw êsy màn. Martesen nyns eus lowr a daclow kemmyn inter agan dew. Dâ yw gensy mordardhya ha gwil meur a sport. Ha nebes pendom yw hy tùchyng manerow hy boos.”

Tas Tôny a ros cùssul warbydn hast. Tôny a lavaras, “Awhêr vèth! Ow fystena dhe gafos gwreg nyns esof vy.”

“Byttele,” y das a leverys, “res yw dhis neprës demedhy, a nyns yw?”

“Dar!” Tôny a grias in mes. “Ny yllyn ny còwsel heb qwestyon cales a'n par-na?”

Y das a wrug chaunjya testen an kescows.

Vocabulary

Pow Densher *place-name* Devon

Plymoth *place-name* Plymouth

gorsaf *m* station

nowodhow *pl* news

mencyon *m* mention

govyn *v* ask

perthynas *m* relationship

gortheby *v* answer

kemmyn *adj* common

pendom *adj* extreme (referring to someone's views)

maner *f* *manerow* manner

cùssul *f* [piece of] advice

hast *m* haste

awhêr vèth *phr* don't worry (literally, [not] any worry)

byttele *adv* nonetheless

demedhy *v* marry

cria in mes *phr* exclaim (literally, 'cry out')

testen *f* topic, subject

a'n par-na *phr* of that kind

chaunjya *v* change